

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
ZAVOD ZDRAVSTVENOG OSIGURANJA
TUZLANSKOG KANTONA
TUZLA**

Broj: 04-1420-979-34/16
Tuzla, 20.12.2017. godine

Na osnovu člana 70. stav (1) Zakona o javnim nabavkama ("Službeni glasnik BiH", broj: 39/14), odredaba Pravilnika o postupku dodjele ugovora o uslugama iz Aneksa II. Dio B. Zakona o javnim nabavkama ("Službeni glasnik BiH", broj: 66/16), člana 12. Statuta Zavoda zdravstvenog osiguranja Tuzlanskog kantona ("Službene novine TK" broj: 4/16) i Zapisnika o otvaranju, pregledu i ocjeni ponuda, broj: 04-1420-979-33/16 od 20.12.2017. godine, Direktor Zavoda zdravstvenog osiguranja Tuzlanskog kantona donosi

**ODLUKU
o izboru ponuđača**

I

Za realizaciju Programa zdravstvene zaštite iz obaveznog zdravstvenog osiguranja za područje grada Tuzla za 2018. godinu (Program), biraju se ponude sljedećih ponuđača:

- JZNU Dom zdravlja Tuzla;
- Privatna ordinacija porodične medicine „SALUS“ Tuzla i
- Ordinacija porodične medicine „Dr. Djedović“ Tuzla.

II

Ponuda ponuđača Ordinacija porodične medicine „Dr. Jahić“ Tuzla se odbacuje kao formalno – pravno ne ispravna.

III

Ugovorni organ će pozvati izabrane ponuđače radi zaključenja Ugovora kojim će se regulisati međusobna prava i obaveze vezane za predmetnu nabavku shodno uslovima Ugovornog organa navedenim u Javnom pozivu i ponude sa kojom je ponuđač učestvovao u predmetnoj nabavci, a na osnovu člana 98. stav (2) tačka a) Zakona o javnim nabavkama, protekom Zakonom predviđenog roka, kao i dobijanjem saglasnosti Ministarstva zdravstva Tuzlanskog kantona i Odluke Upravnog odbora o davanju saglasnosti na zaključivanje ugovora.

IV

Ova Odluka će biti objavljena na web stranici Zavoda zdravstvenog osiguranja Tuzlanskog kantona istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

V

Ugovorni organ će istovremeno sa slanjem odluke o izboru izabranom ponuđaču, objaviti dobrovoljno ex ante obavještenje na Portalu javnih nabavki u skladu sa članom 36. Zakona o javnim nabavkama.

VI

Ova Odluka dostavlja se ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

OBRAZLOŽENJE

Na osnovu Odluke o pokretanju postupka broj: 04-1420-979-1/17 od 04.12.2017. godine i Javnog poziva broj: 04-1420-979-1-12/16 od 05.12.2017. godine, pokrenut je postupak dodjele ugovora za realizaciju Programa zdravstvene zaštite iz obaveznog zdravstvenog osiguranja za područje grada Tuzla za 2017. godinu (Program).

Kriterij za dodjelu Ugovora je ekonomski najpovoljnija ponuda, u skladu sa članom 64. stav (1) tačka a) Zakona o javnim nabavkama ("Službeni glasnik BiH", broj: 39/14).

U skladu sa članom 7. stav 3 Pravilnika o postupku dodjele ugovora o uslugama iz Aneksa II dio B, Ugovorni organ je objavio Javni poziv na svojoj web-stranici, te isti uputio ugovornim zdravstvenim ustanovama iz 2017. godine.

Utvrđeno je da su dostavljene ponude ponuđača:

- JZNU Dom zdravlja Tuzla;
- Privatna ordinacija porodične medicine „SALUS“ Tuzla;
- Ordinacija porodične medicine „Dr. Djedović“ Tuzla i
- Ordinacija porodične medicine „Dr. Jahić“ Tuzla.

U vezi sa ponudama navedenih ponuđača sačinjen je Zapisnik o otvaranju, pregledu i ocjeni ponuda broj: 04-1420-979-33/17 od 20.12.2017. godine.

Uvidom u dostavljene ponude, utvrđeno je da ponude ponuđača JZNU Dom zdravlja Tuzla, Privatna ordinacija porodične medicine „SALUS“ Tuzla i Ordinacija porodične medicine „Dr. Djedović“ Tuzla ispunjavaju formalno pravne uslove, a ponuda ponuđača Ordinacija porodične medicine „Dr. Jahić“ Tuzla ne ispunjava formalno pravne uslove iz sljedećih razloga:

- Nije ispunjen uslov iz tačke c) Javnog poziva odnosno ponuđač nije proveo postupak registracije osiguranih lica u timove porodične medicine saglasno odredbama Pravilnika o načinu ostvarivanja prava na slobodan izbor doktora medicine i doktora stomatologije primarne zdravstvene zaštite ("Službene novine TK" broj: 4/16), odnosno da na dan 30.06.2017. godine ima registrovana osigurana lica u bazi Zavoda;
- Uvidom u dokumentaciju ponuđača je utvrđeno da je dostavljeno Rješenje Ministarstva zdravstva Tuzlanskog kantona od 13.12.2017. godine. S obzirom da je datum Rješenja 13.12.2017. godine i da je dostavljeno uz prijavu 19.12.2017. godine, isto još uvijek ne može biti pravosnažno, pa se isto ne može uzeti u razmatranje.
- U tački 4. dispozitiva Rješenja navedeno je da se početak rada ordinacije utvrđuje sa danom pravosnažnosti ovog rješenja i sa danom pravosnažnosti ordinacija će se upisati u Registar izdatih odobrenja za obavljanje privatne prakse zdravstvenih radnika koji se vodi kod ovog Ministarstva - Knjiga I pod rednim brojem 241.
- Nisu dostavljena Uvjerenja za izmirene obaveze po osnovu direktnih i indirektnih poreza te doprinosa jer je za ordinaciju tek 13.12.2017. godine izdato Rješenje za obavljanje djelatnosti, koje još uvijek nije pravosnažno.

U skladu sa tačkom 4. Javnog poziva kriterij za odabir ponuđača je ekonomski najpovoljnija ponuda.

Podkriterij:

Sveobuhvatnost realizacije Programa zdravstvene zaštite iz obaveznog zdravstvenog osiguranja za područje grada Tuzla za 2018. godinu podrazumijeva kompletnost pružanja usluga zdravstvene zaštite definisane Programom sa aspekta obuhvata osiguranih lica i obima realizacije disciplina zdravstvene djelatnosti za područje grada Tuzla.

Maksimalan broj bodova će se dodijeliti ponuđaču koji u potpunom obimu raspolaže potrebnim kapacitetom u smislu kadra, prostora i opreme sa aspekta obima realizacije disciplina zdravstvene djelatnosti, a ostali ponuđači će u skladu s tim dobiti manji broj bodova, prema sljedećoj formuli:

$$T = TI/Tt \times 100$$

pri čemu je:

T – ukupan broj bodova koje će dobiti ponuđač na osnovu ponude;

TI – nivo obuhvaćenosti Programa sa aspekta obuhvata osiguranih lica i obima realizacije disciplina zdravstvene djelatnosti ponuđenog u postupku nabavke;

Tt – kompletan Program koji je predmet ocjene;

100 – maksimalan broj bodova.

Ugovorni organ je izvršio ocjenu odnosno bodovanje ponuda koje ispunjavaju uslove za dalje učestvovanje u postupku nabavke, na sljedeći način:

1. JZNU DZ TUZLA

$$TI = 15.882.834$$

$$Tt = 15.957.107$$

$$T = 15.882.834/15.957.107 \times 100$$

$$T = \underline{99,53 \text{ bodova}}$$

2. PRIVATNA ORDINACIJA PORODIČNE MEDICINE "SALUS" TUZLA

$$TI = 23.493$$

$$Tt = 15.957.107$$

$$T = 23.493/15.957.107 \times 100$$

$$T = \underline{0,15 \text{ bodova}}$$

3. ORDINACIJA PORODIČNE MEDICINE "DR.DJEDOVIĆ" TUZLA

$$TI = 50.780$$

$$Tt = 15.957.107$$

$$T = 50.780/15.957.107 \times 100$$

$$T = \underline{0,32 \text{ bodova}}$$

Rangiranje	Naziv ponuđača	Ukupan broj bodova
1.	JZNU DZ TUZLA	99,53
2.	ORDINACIJA PORODIČNE MEDICINE "DR.DJEDOVIĆ" TUZLA	0,32
3.	PRIVATNA ORDINACIJA PORODIČNE MEDICINE "SALUS" TUZLA	0,15

Shodno navedenom, odredbama Zakona i općim aktima Zavoda, a imajući u vidu činjenicu da su ponude ponuđača iz člana I ove Odluke dostavljene u odgovarajućem roku, te da ispunjavaju formalno pravne uslove, sa istim će se zaključiti ugovori.

Iz navedenih razloga, primjenom člana 64. stav (1) tačka a), člana 70. stav (1), (2), (3) i (6) Zakona o javnim nabavkama BiH ("Službeni glasnik BiH", broj:39/14) i člana 10. stav (1) Pravilnika o postupku dodjele ugovora o uslugama iz Aneksa II. Dio B. Zakona o javnim nabavkama ("Službeni glasnik BiH", broj: 66/16), odlučeno je kao u članu I. ove Odluke.

POUKA O PRAVNOM LIJEKU:

Ukoliko ponuđač smatra da je Ugovorni organ u toku datog postupka dodjele Ugovora izvršio povrede Zakona ili podzakonskih akata ima pravo da pokrene žalbeni postupak u roku navedenom u članu 101. stav 4., tačka a) Zakona o javnim nabavkama ("Službeni glasnik BiH", broj:39/14).

U skladu sa članom 99. Zakona žalba se podnosi u pisanoj formi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču i drugim strankama u postupku.

DOSTAVLJENO:

1. Ponuđačima (e-mailom)
2. Sektor za trezorsko poslovanje
3. a/a



DIREKTOR
Mirsad Hodžić, dipl. ecc